

Тилла савдоси

11:12 / 29.11.2018 3820

*Ассалому алайкум! Тилла савдосида насия қилиш қораланган оят борми?
Бир танишим ишонч билан шундай оят бор деди. Илтимос ойдинлик
киритиб беринглар.*

"Зикр аҳлидан сўранг" ҳайъати:

- Ва алайкум ассалом!

هـلـلا يـلـصـيـبـنـلـاـنـعـهـنـعـهـلـلا يـصـرـتـمـأـصـلـلـاـنـبـهـدـابـعـنـعـ
 رـبـلـأـوـهـضـفـلـابـهـضـفـلـابـهـذـلـابـبـهـذـلـاـهـلـاقـمـلـسـوـهـيـلـعـ
 حـلـمـلـابـحـلـمـلـاـوـرـمـتـلـابـرـمـتـلـابـهـرـيـعـشـلـابـهـرـيـعـشـلـاـوـرـبـلـابـ
 فـآنـصـأـلـاـوـهـهـتـفـلـتـخـاـهـذـافـهـدـيـبـآـدـيـءـأـوـسـبـءـأـوـسـلـثـمـبـآـلـثـمـ
 دـاـزـنـمـفـهـةـيـأـوـرـيـفـهـدـاـزـوـهـدـيـبـآـدـيـنـاـكـآـدـاـمـتـئـشـفـيـكـأـوـعـيـبـفـ
 هـسـمـحـلـاـهـأـوـرـءـأـوـسـهـيـفـهـطـغـمـلـاـوـهـذـخـآـلـاـهـيـبـرـأـهـدـقـفـهـدـاـرـتـسـلـاـوـ
 هـضـفـلـابـهـضـفـلـابـهـذـلـابـبـهـذـلـاـهـدـوـادـيـبـأـهـذـفـلـابـ
 آـهـنـيـعـوـآـهـنـيـعـوـآـهـنـيـعـوـآـهـنـيـعـهـضـفـلـابـ

Убода ибн Сомит розияллоху анхудан ривоят қилинади:

«Набий соллаллоҳу алайҳи васаллам:

«Тиллага тилла, кумушга кумуш, буғдойга буғдой, арпага арпа, хурмога хурмо, тузга туз, үхшашга үхшаш, тенгмә-тенг, құлма-құл. Қачон ушбу жинслар турлича бўлса, агар қўлма-қўл бўлса, қандай хоҳласангиз, сотоверинглар», дедилар».

Бошқа бир ривоятда:

«Бас, ким зиёда қылса ёки зиёда қилишни талаб қылса, батахқық, рибога йўл қўйибди. Уни олувчи ҳам, берувчи ҳам барибир», дейилган.

Бешовлари ривоят қилғанлар.

Абу Довуднинг лафзида:

«Тиллага тилла; ёмбиси ҳам, зарб қилингани ҳам. Кумушга кумуш; ёмбиси ҳам, зарб қилингани ҳам», дейилган.

Шарҳ: Ушбу ҳадисда зикр этилган моллар рибовий молларга киради. Уларнинг жинси бир хил бўлганда алмаштиришда микдори ҳам бир хил бўлиши ва қўлма-қўл айрибуш қилиниши

шарт, акс ҳолда рибога айланиб қолади.

Мазкур молларни алмаштиришда зиёдага ва ке-йин беришга йўл қўйиб бўлмайди.

Мисол учун, тиллага тилла сотиладиган бўлса, албатта, оғирлиги тенг бўлиши, олди-берди қўлма-қўл қилиниши керак. Навининг яхши ёки ёмонлигига қараб ёки кейин бериш шарти билан бирининг миқдорини ўзгартириб бўлмайди.

Агар савдодаги нарсанинг жинси ҳар хил бўлса, қўлма-қўл бўлиши шарт, акс ҳолда [рибо](#) бўлади. Аммо миқдори бир хил бўлиши [шарт](#) эмас. Мисол учун, тилла билан кумушни алмаштириш ёки сотиш, қўлма-қўл бўлса жоиз. Вазни бир хил бўлиши шарт эмас. Табиийки, бундай бўлиши мумкин ҳам эмас, чунки икки жинсдаги нарса икки хил қийматга эга. Шунинг учун уларнинг қиймати ва миқдори икки тарафнинг ўзаро розилиги билан бўлади.

Бу ҳукм сиртдан қарагандა ғалати туюлади. «Бир хил жинсдаги нарсаларни алмаштиришда уларнинг миқдори бир хил бўлиши нима учун шарт қилинган? Ахир бир хил нарсанинг яхши ва ёмони бор-ку? Яхшиси қиммат, ёмони арzonроқ бўлиши ҳам аниқ-ку», деган савол пайдо бўлиши ҳам мумкин.

Мисол учун, маълум миқдордаги яхши буғдойга ундан қўпроқ ёмон буғдойни алмаштириш нима учун [ҳаром](#) қилинган?

Уламоларимиз бунга «чунки бу ишда катта ноаниқлик бор: кимдир зарар кўриши ҳам аниқ. Лекин ким зарар кўради, қанча зарар кўради, билиб бўлмайди», деб жавоб берадилар.

Шунинг учун бундай ҳолатда ўша ёмон буғдойни сотиб, унинг пулига ўша алмаштиromoқчи бўлинаётган яхшироқ буғдой харид қилинади.

Шунингдек, бир жинсдаги икки хил молни алмаштиришда зиёдага йўл қўйилмаслиги эса бўлажак ҳаром-хариш муомалаларнинг олдини олиш учундир. Чунки бир жинсдаги икки хил нарса, мисол учун, тиллани тиллага алмаштириш унинг сифатидаги, қуилишидаги, оғирлигидаги ва яна бошқа фарқларни эътиборга олиб, амалга оширилади. Агар бунга рухсат берилса, ғараз ниятли одамлар кейинчалик рибонинг бошқа даражаларига ҳам йўл топадилар. Зиёдага йўл қўйилмаслиги эса бу эшикни ёпади. Шунинг учун ҳам бу хилдаги муомаланинг ҳаром қилинишидаги ҳикматни тушунишда баъзи кишилар қийналишлари мумкин.

Шу билан бирга, бу нарсаларни алмаштиришда, агар жинси икки хил бўлса ҳам, қўлма-қўл бўлишни шарт қилишда ҳам, ҳийла билан рибонинг эшиги очилишига йўл қўймаслик ҳикмати ётади. Агар алмаштириладиган нарсаларнинг жинси икки хил бўлса, ортиқ-камига келишилсин, аммо дарҳол қўлма-қўл берилсин. Чунки агар «Кейин берса ҳам бўлади», дейилса, бу билан рибога йўл очилган бўлади. Мисол учун, бир одам бошқасидан тилла олиб туриб, кейинроқ кумуш қайтариб беришга келишилади. Кейинроқ берса ҳам бўлади, деган рухсат бор бўлса, вақт ўтганлиги учун фойда олишга ўтилади. Масалан, вақт ўтгандан кейин қайтариб бериладиган кумушнинг нархи олинган тилланинг нархидан кўп бўлади. Ана ўша кўп миқдор унга берилган муддатга қараб белгиланади. Бундай рибовий ишларда оловчи ҳам, берувчи ҳам баробар гуноҳкор бўладилар. Тилла билан кумуш алмаштиришда ёмби, яъни ишлов берилмагани ҳам, танга қилиб зарб қилингани ҳам барибир. Рибовий молларнинг яхшиси ҳам, ёмони ҳам баробар. Бир хил жинсдаги рибовий молнинг яхшисидан озроқ, ёмонидан кўпроқ бериш мумкин эмас. Бу иш ҳам рибонинг олдини олиш учун қилингандигини олдин ҳам айтиб ўтдик. Чунки одатда одамлар иккита бир-бирига teng нарсани алмаштиrmайдилар. Фақат орасида фарқ бор нарсаларгина алмаштирилади. Агар ушбу ишга рухсат берилса, рибога олиб бориши турган гап. Рибовий моллар деб, соъ ва [мудд](#) каби оғирлик ўлчови билан ёки миқдори вазн билан белгиланадиган тилла, кумуш, буғдой, арпа, хурмо, туз ва бошқа таом бўладиган маҳсулотларга айтилади. Ушбу маҳсулотларда бир-бирини зиёда билан, насияга алмаштириш мумкин эмас. Аммо сон, узунлик ўлчови билан ўлчанадиган нарсалар рибовий моллар ҳисобланмайди. Шунинг учун бир дона тухум икки дона тухумга алмаштирилса бўлади. Чунки бунда икки томон ҳам нима қилаётганини ва молининг миқдори, сифатини жуда аниқ ва яхши билган ҳолда тасарруф қиласи. Шу маънода бир метр матони ўз жинсидаги бир ярим метр матога алмаштиrsa бўлади. ("Хадис ва Ҳаёт" китобидан). Валлоҳу аълам!